

ÁKVÖRÐUN FRAMKVÆMDASTJÓRNARINNAR

2013/EES/9/22

frá 14. janúar 2011

um aðferð við staðfestingu á samræmi byggingarvara skv. 2. mgr. 20. gr. tilskipunar ráðsins 89/106/EBE að því er varðar þéttiefni, sem eru notuð í annað en burðarvirki, í samskeytum í byggingum og gangbrautum (*)

(tilkynnt með númeri C(2011) 62)

(2011/19/ESB)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 89/106/EBE frá 21. desember 1988 um samræmingu á lögum og stjórnsýslufyrirmælum aðildarríkjanna um byggingarvörur ⁽¹⁾, einkum 4. mgr. 13. gr.,

að höfðu samráði við fastanefndina um byggingarmál,

og að teknu tilliti til eftirfarandi:

- 1) Í samræmi við 3. mgr. 13. gr. tilskipunar 89/106/EBE skal framkvæmdastjórnin velja aðra af tveimur aðferðum til að staðfesta samræmi vöru. Í þeirri grein er mælt fyrir um að framkvæmdastjórnin skuli velji ódýrustu aðferðina af þeim sem samrýmast öryggissjónarmiðum. Því er nauðsynlegt er að ákveða, með tilliti til ákveðinnar vöru eða ákveðins vöruhóps, hvort framleiðslustýringarkerfi í verksmiðju, sem framleiðandi ber ábyrgð á, er nauðsynlegt og nægilegt skilyrði fyrir staðfestingu á samræmi eða hvort þörf er á afskiptum samþykks aðila af ástæðum er varða samræmi við viðmiðanirnar sem settar eru fram í 4. mgr. 13. gr. þeirrar tilskipunar.
- 2) Samkvæmt 4. mgr. 13. gr. skal aðferðin, sem þannig er valin, tilgreind í umboðunum og tækniforskriftunum. Því er æskilegt að tilgreina þær vörur eða þá vöruhópa sem um getur í tækniforskriftunum.
- 3) Aðferðunum tveimur, sem kveðið er á um í 3. mgr. 13. gr. tilskipunar 89/106/EBE, er lýst ítarlega í III. viðauka við tilskipunina. Því er nauðsynlegt að tilgreina með skýrum hætti, með hliðsjón af III. viðauka, hvernig þessum tveimur aðferðum skuli beitt, að því er varðar hverja vöru eða hvern vöruhóp, þar eð ákveðin kerfi eru tekin fram yfir önnur í III. viðauka.

- 4) Aðferðin, sem um getur í a-lið 3. mgr. 13. gr., svarar til kerfanna sem eru tilgreind í fyrsta kosti, án stöðugs eftirlits, og í öðrum og þriðja kosti í ii. lið 2. liðar III. viðauka. Aðferðin, sem um getur í b-lið 3. mgr. 13. gr., svarar til kerfanna sem eru tilgreind í i. lið 2. liðar III. viðauka og í fyrsta kosti í ii. lið 2. liðar í III. viðauka með stöðugu eftirliti.

SAMÞYKKT ÁKVÖRÐUN ÞESSA:

1. gr.

Staðfesta skal samræmi vara og vöruhópa, sem eru tilgreindir í I. viðauka, með aðferð þar sem, auk framleiðslustýringarkerfis í verksmiðjunni sem framleiðandinn starfrækir, er gert ráð fyrir þátttöku samþykks aðila við mat og eftirlit með framleiðslustýringunni eða vörunni sjálfri.

2. gr.

Aðferðina, sem nota skal til að staðfesta samræmi, eins og fram kemur í II. viðauka, skal tilgreina í umboðum fyrir samhæfða Evrópustaðla.

3. gr.

Ákvörðun þessari er beint til aðildarríkjanna.

Gjört í Brussel 14. janúar 2011.

Fyrir hönd framkvæmdastjórnarinnar

Antonio TAJANI

varaforseti.

(*) Þessi EB-gerð birtist í Stjtið. ESB L 11, 15.1.2011, bls. 49. Hennar var getið í ákvörðun sameiginlegu EES-nefndarinnar nr. 197/2012 frá 26. október 2012 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbæti við Stjórnartíðindi Evrópusambandsins* nr. 6, 24.1.2013, bls. 12.

⁽¹⁾ Stjtið. EB L 40, 11.2.1989, bls. 12.

I. VIÐAUKI

Eftirfarandi þéttiefni, sem eru notuð í annað en burðarvirki, í samskeytum í byggingum og gangbrautum:

1. þéttiefni fyrir út- og/eða innveggi sem og milliveggi,
 2. þéttiefni til glerjunar (nema þéttiefni fyrir ker, glerveggi, fyrsta og ytri þétti við framleiðslu á einangrunargleri, lárétt gler (minna en 7° halli) og lífræn gler),
 3. þéttiefni fyrir samskeyti, þar sem hreinlætis er krafist, (nema til notkunar í iðnaði, fyrir drykkjarvatn, undir yfirborði vatns (sundlaugar, skólperfi, o.s.fr.v.) og fyrir búnað sem kemst í snertingu við mat),
 4. þéttiefni fyrir gangbrautir (nema á svæðum sem ætluð eru til efnafræðilegrar afmörkunar, svæðum sem eru í kafi, vegum eða öðrum umferðarsvæðum, flugvöllum og skólphreinsistöðvum).
-

II. VIÐAUKI

Athugasemd: Þegar um er að ræða vörur sem hafa fleiri en eitt þeirra áformuðu notagilda sem eru tilgreind í eftirtöldum vöruflokkum annast viðurkenndi aðilinn öll verkefni sem skapast vegna viðkomandi kerfis til staðfestingar á samræmi.

VÖRUHÓPUR

ÞÉTTIEFNI SEM ERU NOTUÐ Í ANNAÐ EN BURÐARVIRKI, Í SAMSKYPTUM Í BYGGINGUM OG GANGBRAUTUM (1/2)**Kerfi til staðfestingar á samræmi**

Fyrir þær vörur og þau áformuðu not, sem eru talin upp hér að aftan, eru Staðlasamtök Evrópu/Rafstaðlasamtök Evrópu beðin að tilgreina eftirfarandi kerfi til staðfestingar á samræmi í viðeigandi samhæfðum Evrópustöðlum:

Vara	Áformuð not	Stig eða flokkur/flokkar	Kerfi til staðfestingar á samræmi
— Þéttiefni fyrir útveggi	Til notkunar utandyra	—	3
— Þéttiefni fyrir innveggi, milliveggi	Til notkunar utandyra	—	4
— Þéttiefni til glerjunar	Til notkunar í byggingarframkvæmdum	—	3
— Þéttiefni fyrir gangbrautir		—	3
— Þéttiefni fyrir samskeyti hreinlætistækja		—	3

3. kerfi: Sjá annan kost í ii. lið 2. liðar í III. viðauka við tilskipun 89/106/EBE.

4. kerfi: Sjá þriðja kost í ii. lið 2. liðar í III. viðauka við tilskipun 89/106/EBE.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi vörunnar m.t.t. tiltekins eiginleika þar sem ekki hafa verið gerðar neinar lögboðnar kröfur um viðkomandi eiginleika í a.m.k. einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3 í grunnskjölunum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnunum.

VÖRUHÓPUR

ÞÉTTIEFNI SEM ERU NOTUÐ Í ANNAÐ EN BURÐARVIRKI, Í SAMSKYPTUM Í BYGGINGUM OG GANGBRAUTUM (2/2)**Kerfi til staðfestingar á samræmi**

Fyrir þær vörur og þau áformuðu not, sem eru talin upp hér að aftan, eru Staðlasamtök Evrópu/Rafstaðlasamtök Evrópu beðin að tilgreina eftirfarandi kerfi til staðfestingar á samræmi í viðeigandi samhæfðum Evrópustöðlum:

Vara/vörur	Áformuð not	Stig eða flokkur/flokkar (viðbrögð við bruna)	Kerfi til staðfestingar á samræmi
Þéttiefni, sem eru notuð í annað en burðarvirki, í samskyptum í byggingum og gangbrautum	Til notkunar sem heyrir undir reglur um viðbrögð við bruna	A1 ^(*) , A2 ^(*) , B ^(*) , C ^(*)	1
		A1 ^(**) , A2 ^(**) , B ^(**) , C ^(**) , D, E	3
		(A1 til E) ^(***) , F	4

1. kerfi: Sjá i. lið 2. liðar í III. viðauka við tilskipun 89/106/EBE, án úttektarprófunar á sýnum.

3. kerfi: Sjá annan kost í ii. lið 2. liðar í III. viðauka við tilskipun 89/106/EBE.

4. kerfi: Sjá þriðja kost í ii. lið 2. liðar í III. viðauka við tilskipun 89/106/EBE.

(*) Vörur/efni sem fá hagstæðari flokkun, með tilliti til viðbragða við bruna, sem rekja má til ákveðins, auðgreinanlegs stigs í framleiðsluferlinu (t.d. þegar logavarnarefnum er bætt við eða við takmörkun á lífrænum efnunum).

(**) Vörur/efni, önnur en þau sem neðanmálgrein (*) vísar til.

(***) Vörur/efni sem ekki þarf að prófa með tilliti til viðbragða við bruna (t.d. vörur/efni sem teljast til flokks A1 samkvæmt ákvörðun framkvæmdastjórnarinnar 96/603/EB).

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi vörunnar m.t.t. tiltekins eiginleika þar sem ekki hafa verið gerðar neinar lögboðnar kröfur um viðkomandi eiginleika í a.m.k. einu aðildarríki (sjá 1. mgr. 2. gr. tilskipunar 89/106/EEB og, eftir atvikum, lið 1.2.3 í grunnskjölunum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.
